

Instruction de registrar MP3 pro Radio Interlingua per Audacity

Inserere le microphono in le apertura marcate per un microphono (sovente in un anello de plastico con le color rubie legier). Pro ascoltar, si le nivello e qualitate es assatis bon, es optimal usar auriculares in vice del altoparlatores del computador.

■ Le programma Audacity es gratuite a descargar e usar. Illo functiona in Windows, Linux e MacOS. Discarga lo de <http://audacity.sourceforge.net>.

NB: Pro salvar le file como MP3, on besonia descargar anque le LAME MP3 Encoder (gratuite) que se trova ci: <http://lame.buanzo.com.ar>. Placia le file *lame_enc.dll* in le bibliotheca C:\Programmas\Audacity.

Audacity debe ora saper, ubi es le file: Selige *Redige > Preferentias > Formatos de files*. Cambia primo le *Rata de bit* a 128. Preme allora le button *Cerca bibliotheca*, naviga a C:\Programmas\Audacity, ubi *lame_enc.dll* allora appare in le lista, marca lo, e clicca *OK*.

1. In Audacity, on debe seliger *Microphono* in le angulo superior a dextere.




2. Preme le button rubie *Registra* pro iniciar le registration – e memora parlar lentamente e distinctemente! Clicca *Stop* (le button jalne), quando tu ha finite, e redige pois le sono como explicate al paginas anterior.

3. Salva le file como MP3: Quando le redaction del sono es preste, le file debe esser salvate. Audacity usa su proprie formato como standard, ma pote salvar le file in le formato MP3 que plena circa 10 pro cento de un file in WAV standard.

Usa *File > Exporta como MP3...* Scribe le nomine del file e clicca *OK*. Plena ora le cassa con le informationes relevante super le titulo, artista, album, numero de tracia, anno, genere e comentarios eventual. Iste informationes es monstrate sur le schermo, quando le file es sonate per p.ex. un lector MP3.

4. Contacta le redaction de Radio Interlingua al adresse radio@interlingua.com.



Formato:
 ID3v1 (plus compatible)
 ID3v2 (plus flexible)

Titulo:

Artista:

Album:

Numero de tracia: Anno:

Genere:

Comentarios: